

陂門集

賦

聖泉賦

泉在貴竹城西北十里其泉倏盈忽虛莫測其機因謂之聖觀者異焉馮子為作賦以解其惑其辭曰

平原康丕揚選

上海馮惟健著  
姪孫琦校



國家圖書館, NATIONAL CENTRAL LIBRARY, TAIWAN, R.O.C.



執微子從玄化子飄颻翫世遨遊四極雄覽八埏  
至乎祝融少皞之墟憇乎邛笮蒼梧之間傍皇倘  
洋息徒解裝言往觀乎聖泉於是披雲霞啟蕙牖  
乘清風騁輕御振衣乎高岡馳情乎太素爾乃遙  
望其地則東接銅鼓西眺木菁南迤芳洲北拱翠  
屏近察其勢則繚以重昇經以長川覆以華棟甃  
以石淵承曲池而構閣疏龍首以揚洎其樹則櫛  
楓楨穰柁擱綿杙其草則葳繡薜荔蓀芝蒨蘭阿  
那被麗陂風凝烟黃鳥好音鷓鴣翩翩其陂池則

參差刻鏤膝疇龍鱗農民荷鍤將有事乎春田惟  
涓涓之不竭故比澤於玄雲爾乃覽其風氣之所  
藂萃景物之所披敷如遊方丈與蓬壺鬱乎西南  
之奧區於是相與造于泉上凭石欄而觀之洑兮  
其流之自滿也儵兮其源之自返也洞滢瑩澈瀉  
洩滄滴延佇有頃蓋五六而至焉執微子貽然駭  
曰異哉豈人為之機械抑天地之自然何顧眎之  
須臾邈消長之無端玄化子莞爾而笑曰子何異  
茲耶夫大鈞播物陰陽陶蒸萬變錯詭不可殫形

世乃有陰火不藝沸潭無冰灼突騰珠火井飛熒  
抑訛使之耶吾且語子以天地之大怪終古之常  
然變子之疑冰宏子以達觀且渾沌之初寧有天  
地豎鴻濛之剖判劃黃承而玄茫伊方負之始疑  
羌川湧而嶽峙何浮沉之殊裁而剝柔之異齊時  
迤邐而稱今忽渺茫而云古四時分糾以交化歟  
燥濕而寒暑既融朗以開曉復黠默而淪夜何日  
月之雙懸遞靈曜乎天寓蚌蛤形於晦朔潮汐應  
于旦暮坤北游而上浮日北陸而地下觸膚寸以

興雲沛虛空以流雨紛雷颺而電燦亦寂然其何  
處斯天下之至神羌誰為之使者大哉消息乎一  
陰一陽一闔一闢萬有之妙竅諸此域吾方有感  
於斯泉也無微於有兮有妙于無無用之極兮有  
利之腴天地之化兮周流六虛於穆運轉兮宛單  
相扶蓋兮濇兮衆變不居坎兮蹇兮鳥識其趨虛  
兮盈之宇盈兮虛之廬復始共軸兮屈伸同區鼓  
予身之橐籥順鄴鄂以呼吸既日往以息來亦上  
下其相須草無燠而違霜桃李燁其春敷物欣欣

於所遇時冉冉而遂徂繁陳迹之可懷煥日新而  
如初玩尺蠖之為利探野馬之玄樞推通變以隨  
時固聖指之所圖為非兩以裁化繼一神之為如  
蓋乾坤毀則無以見易易不可見則乾坤之理或  
幾乎息矣子徒異泉流之無端而不睹天地之變  
態效魍魎之責影而不知操持之有待也不亦惑  
乎子諦觀焉爾其出也浸淫淅瀝映呷披離沛輟  
轉兮其四施也爾其入也矜矜跼蹐喑噉搗搗洞  
瀟瀟兮其窈窕也渾渾沌沌放乎無垠杳杳冥冥

歸乎至真降以胎升動以涵靜滿而不溢縮而不  
窘動兮為乾靜兮為坤大以乾生廣以坤存易簡  
理得為易之門其源滴瀝中涵太極其池方丈渾  
合萬象莫知其端莫究其狀觀之者妄覲之心平  
躁侈之欲降坎珂之氣舒跼促之情暢不窺河洛  
而圖書之理章不濯滄浪而清濁之有量此伏羲  
氏所以玩於環中尼父所為歎於川上也且夫天  
地一水兮太虛一源古今一瞬兮萬有一消巨細  
殊形兮理安有異久暫異時兮安有二致知來歲

往義軒得之以神德兮翁受敷施堯舜得之而為  
治出日入月彭老得之以養生兮流行坎止孔顏  
得之而處世微妙通玄合體自然夫是之謂聖泉  
執微子蹶爾而興曰達人之言哉吾於是乎喻道  
焉曩予有蒙固之疾幸見藥於吾子乃今脫然愈  
矣蓋俯仰無僇洋洋然而退

南征賦

咨思文之遐緒兮胤緝熙之繁祉懷忠謇白首於  
漢庭兮兄弟繼治而相似佐中興而附龍翼兮勳

業存乎天紀耄洛中而高會兮亦俯仰而無累曰  
予父其懷寶兮流惠聲於南裔嗟予年其撫壯兮  
恐世業之奄墜歲序忽其不處兮日冉冉其將暮  
駕鸞鷲而騁虬龍兮予將高翔而遠翥日暉暉其  
臨衣兮蘭菊菲菲其襲裾吾今豐隆乘雲兮攄風  
伯使驅蹕朝予登夫泰山兮翼清氣而翱翔壯天  
門而直上兮覽二儀之洋洋登日觀而迴皇兮六  
龍翹赫于扶桑不崇朝而兩滂沛兮一緘目而眈  
八荒何人世之塵濁兮紛陞隘其劬勩拂衣冠而

升閭里兮鬱孤檜之蒼藹遺象儼其猶存兮肅巍  
巍其如在固萬世所由以生死兮緬堯舜其猶未  
大攸蠅螟之與蟻蠊兮於天地其何芥蒂踐顛頊  
之故域想歷山之慕親撥聖人之大孝夫何慕乎  
海濱隣阿谷之幽清覓珮環之遺迹善范蠡之扁  
舟固三代之遺摺亂大河而匡度兮召鼉鼉其濟  
予龍馬神龜其相翼兮波澎湃其來下俟河清之  
未期兮悵徘徊而延佇咨大禹之受圭兮肇奠寧  
乎天地彼石室之神書兮冥幽漠而未晰原夫九

功與九歌兮孰非天之所基何昔人之獻說兮此  
折胡而改徙其說雖詭壯而可愕兮羌未識乾坤  
之經紀顧後世湮廢之不能修兮矧欲興怪而造  
異伊宋祖之創規赫巍巍以弘敞廣仁政以布覆  
信帝王之為量憫徽宗之好文豈桓靈之浩蕩唯  
厥德之弗類輕民力如土壤遵葵丘而歎桓制四  
海如運掌為一朝其振矜判九國其如響轆中州  
而長邁騁嵩嶽之鏘鏘思幽人之髣髴屹室石其  
相望聞神杵之響像動羈旅之思腸諱昔日之神

呼何幽冥而有此異也將武帝之威靈兮抑玉杯  
之故態也成茲漫遊之廣志兮曾宗元之不建也  
道方城而軼葉兮哂沮溺與葉公持丈尺以量天  
兮執蛇虺以嘲龍固衆見之乖錯兮謂泰山為卑  
謂蟻垤為隆旋予駕于具茨魂恍恍其欲迷契黃  
帝之與大隗兮固大道其何思雲氣沕穆而升降  
兮信靈圖之在茲佇潁川之故邑嘉群賢之所治  
霸圖暖其岷峴慨魏武其何之快漁水之一戰光  
赫赫其配離固世祖之神武實天命之所基爰及

南陽釋予馬乎蘭唐言眺草廬陟卧龍乎高岡蜿  
蜒穹隆遙接華嵩葛井瀉澄伊漢之精將漢社之  
焉在歸此廬之獨存舒一嘯於林薄紆經略其誰  
論汨吾乘舟而度江兮望襄樊之宏宇齒江陵而  
腸漢沔兮面巴蜀而臂淮楚想文王之淳化兮覲  
漢濱之遊女跨驪驪之危橋兮鄙司馬之題柱瞻  
峴首而正衽兮襄民懷之至今其猶未沫將德惠  
之在人兮今與古其何異問杜預之沉碑兮淵夫  
君之遠慮八陣歸焉其何託兮嶧山乃遺千載之

穢惡嗟常世之迂圖兮固聖人之所弗預宿宜城  
而嘆息末宋王之文藻不能正諫以反原兮徒九  
此而終老荆門復起以開竦兮信三楚之達戶羌  
風物之一變兮雖信美而非吾土人信信而猶捍  
兮湘漢紛其斜距曠哉荆楚域據漢沔兮東連吳  
會通巴蜀兮利盡滄海違隆中之草昧固欲兼荆  
益而控搃邈英雄之高覽唯為漢之為大何俗儒  
之拘拘執小義而肆喙彼劉氏於何有如機肉之  
終訥信大義其不乖雖築豐其何害爾其灑江武

陵孫黃馬底郡邑間設置郵錯峙白雉繹其北馳  
冠蓋翩其南指火朝覲而途第草節解而梁陀蕪  
樵蕪以躬炊詢居人以司里念曩時之拓宇擠百  
萬於大壑悵古昔之如歸何有司之優渥爾乃觀  
濤乎洞遮之濱弭棹乎青草之渚氣蒸雲夢地坼  
吳楚噓吸湘沅混沌海宇烟雲潏以沆瀣日月互  
其吞吐激溟瀆洸潏潏灑灑晶森灑灑溘溘溘漫  
困涖涖圖潏宛渾澶滫潢洋澆澆漸漸放乎無  
形茫乎無所時乃秣氣宋其沈謬長飈颺以紛颺



陽門集  
驚濤迅狀雲蒸雷薄渾渾庀庀澹熨澆爵洶洶溢  
溢沕迭滴潔渠湫泌瀝濃滴瀉洑瀉溱溱淪洑洑  
湛灤份八激洄漣淳瀉瀑頓淡浹潔潄潄潄潄灑  
砂礪石蕩海夷嶽磊磨磨而駕隈忽輞輞而瀟瀟  
洗刷憤懣澣滌埃溘吾將斬鐘籠於君山聽風吟  
兮飛閣津桃源之恍惚巖洞窈乎山巔桃樹燁以  
並列長川沛以潺湲方蒲綠兮綠石橋紫竹斑兮  
浮翠烟顧鷄犬以流歎居民蕭瑟兮依山或執節  
以逆旅或荷擔而肩穿或竭力以供賦或賣子而

鬻錢或吏卒之墮突或捐宅而他遷何仙子兮不  
存將昔人兮空傳固 聖世販章之浩蕩兮徇秦  
帝之開宇而拓邊嗟彼辰水獸不敢度鳥不敢翔  
距銅柱其未遠驅予馬乎焉行慨然思馬援之奇  
勳兮乃蕙茲而得謗汎天宇以周流兮還予升夫  
南嶽祝融般其並迎兮羗予乘玄雲而駕飛鶴紫  
蓋石菌嶷羗岩兮礪芙蓉其如削窅靈洞之虛無  
兮亶列仙之攸宅矇九疑而瞻蒼梧兮懷重華之  
明德招二妃於江湘兮將遂遨遊乎南極乃釋珮

而容與兮願屈原而永歎時俗尚夫容諂兮羌蹇  
蹇而不見還彼李斯之被遂兮書一上而轡旋驥  
遭斥而悲鳴兮蹇乘願復而控搏昔孟軻之公齊  
兮亦愁思之悄悄時人其不我知兮樂天命而何  
患夫何南極之嶮巖兮山谷巘以峴巘巘萬峰之  
巖巖兮崦岡連而嶺屬崦崦崦崦崦崦崦崦崦崦  
歸靡崦崦崦崦崦崦崦崦崦崦崦崦崦崦崦崦崦崦  
嶮傾伏林蕭瑟兮枝輪糾樸芟蕝霍靡兮篁箴  
趨趨梓檀欖檀榘柎柚偃蹇蹇蹇蹇蹇蹇蹇蹇蹇

籠而上覆由一綫之踞踐萬里之域指前途之將  
窮豁蒙茸而迴復忽巖坂之造天兮攀葛藟而跡  
躡緣磴磴而下墜兮若深淵之無谷悅周流而盤  
旋兮迷不知其所出也歷一山而未半驚白日之  
西匿也瘴雨宵零而無涯兮嶠窟瀕洞以黯黑蒸  
風錫悒於岬曲兮毒霧零霰而四塞恒陰翳而不  
暘兮匡隲霑滑而不可步熊羆振頷於林莽兮麋  
獫吟嘯而跳躑鷓鷯奮翼而悲鳴兮猛虎攫人於  
我側夔魑魍魎往來儵眇兮鷓鷯高張而翻翅已

蛇蜿蟺而幽象兮萬萬睽瞞而據食願予志之方  
厲兮杜宇悲號而不息悵殊冬之短景兮瞻靈曜  
於中極紫微招搖逝其眇茫兮魁罡乃施於東北  
參商歷於上首兮觀台星於左側兩陽霜露之不  
時兮寒暑繆以相齟星分參井之裔兮信天地之  
窮闕劇漢武之威靈兮悍唐蒙之南擊若較其險  
阻隔闕兮營巴蜀與梁益五丁縮手而弁金牛兮  
巨靈却倚而息惕爾乃居夷襍沓或構巢兮山顛  
結華兮豐草百里兮一窟千山兮一徼鳥言卉服

椎髻獸爪衣皮垂具谿洞之豪雕題髦首苗夔之  
獠錯居民以觀化薄羈縻以馴擾莫不服厥象鳥  
貢其稂稻芟夷谿壑鏟治危道余觀而歎之曰廣  
哉邈乎 聖人之化霜露所墜日月所照罔不霑  
濡嘔吟舞蹈殆所謂德同蒼昊者耶至乃皇木之  
來巨榦負巔厥大百圍厥長千尺蔚藹之區頻年  
絕赤旁搜窮谷致彼深澤遇巖則高擢棧道值林  
則修平蕩滌傾危則百夫自斃踣躓則千人辟易  
盛夏則灑汗流血冰雪則肌趾隆裂然皆不懷怨

恨子來不日曰 聖人將以興禮樂之事隆三五之業九廟永信所以備制度而觀萬國也予觀而歎之曰信哉悅以使民民忘其勞忠信之行蠻貊可服於是而偏橋之道並夜郎之境履東坡之上有二老龐眉皓鬚荷篠相和而歌曰山有栢兮堤有楊我公為政兮使我不忘歸家視之兮子孫行行予下輿而問之曰夫歌為誰也曰為太守也曰太守有異政乎曰太守不好異而有惠澤及民肅之如焮涸之如春吏畏其公民懷其仁蓋太守之

來也六載于茲矣不攜妻子浩然獨處崇尚簡靜  
敦履朴素事唯求實不于名譽用民如老幹蠱如  
鶯媚上如懦臨榮如懼官守其法而存心甚恕期  
會有程而機宜中慮不輕舉以擾擾寧慢遊而廢  
度宣揚詔書勞求鰥寡人負鋤犁家有襦袴室廬  
漸野素麻蔭宇若乃葛彰之首龍泉之長恃險阻  
以倨傲橋拒命於草莽公乃遺一介之使馳尺檄  
而往咸恐懼懾怖奔走駝喙交辭受事稽顙來享  
播凱兩酋之搆隙也歷年茲多蓋兵威所不能讐

知謀所不能加我公奉辭而撫諭以天威之浩  
蕩王道之不頗離其黨與剖其藩籬唯貞廉而無  
私故能洗疆場之毒螫靜百年之干戈又若輦鉦  
營厲於西鄙鋒鏑橫流於赤水居民反側應響而  
起乃往贊謀猷制其軍饋撫定遺黎恤憫貧悴不  
戰而固事乃大已繼真州其震驚羽書紛其並至  
精戎械以訓師躬撫循乎戰士何民上之弗諒擠  
轉運使併致匪我公之抗言嗟吾屬其無遺齒故  
至今夫安其妻父保其子皆我公之賜豈弟君子

民之父母明上德之如緡蕩邊垂之愁苦使我民  
忘其夷居如優游乎畿宇今持憲臺省覈廉墨正  
王度存金筑定榆部風行雲被而我民猶蒙其福  
祐此野人之所見者爾他尚未及為子語也予拜  
而揖之登輿而公於是乎我僕彷徨皇乃臨睨夫祥  
柯之江見閭山夫子於貴竹之館凝峻之堂跼陳  
誣信之致兮道予心乎懷傷數道途之所歷兮述  
二老之敷章言未能既夫子乃憮然歎曰吾聞聖  
人之至論兮貴賤窮通高覽六合兮遠爾齊同守

官南服兮負荷寵隆  
坻庶安予兮又何異乎土中  
昔尼父猶欲居九夷兮  
化彼蠻貊之邦予遭 聖  
世兮四海同風惟聖賢之貞則兮  
仰之彌崇命不可渝兮  
敢不竭躬一足之外兮  
匪予所從予既聞 茲玄訓兮  
乃奉觴而上壽中心抑而自悟兮  
蓋昭然如發蔀

古詩

山雲望父也父居南五年其子思父不見南遊至七盤山而作是詩也

誰開夷道斬斬兮誰瞻浮雲  
氤氳兮誰令留滯衡南兮

鴻雁憫弟也陸義姑姊有弟給事黃門以直諫謫夷方母老而盲嬾喪于室有子男若女靡所怙恃陸義姑姊爰始撫之比陸子之歸而作是詩也

鴻鴈于飛亦附其羽嗟我同生亦有兄弟  
鴻鴈于飛其飛孔揚嗟予弟矣維國之英  
鴻鴈于飛載飛載鳴之子矢謨嘉言琅琅曾是摯

御情不用明哀哀僕夫駕言遐荒

鴻鴈于飛其鳴厲矣弟邁于南婦太室矣宛彼二雛啜其泣矣視天蓋高我心疚矣

維彼飛蟲尚或負之相彼伏雌尚或羽之予弟有子予其有之哀此荼苦予其母之

瘳瘳者輿不即途止弟亦有母旣以劬止日予有子尚尔克家庶予未亡甘心二雛

江漢湯湯朝宗于海弟報天子予獨無母弟死王事予殉二子無瞻二子式終王事

日照林止中林孔光征夫歸止天子明明服其命服珮玉琿琿鳧鷖蹇蹇邦家之光

烏棲于木哀鳴渠渠子候于途其頽且都歸視于室女績于纒弟尚其弗渝兮吾以返吾家兮

### 望遠歌

馮子居青其父官石阡其弟還閬陽馮子憂思於是作望遠之歌

鴈耶鵠耶衡南海耶父乘五馬耶

雲耶霏耶巖東海者醫巫閭耶弟將歸耶

蝗謠

蝗高飛兮無食我苗兮汝腹可胞官租安可逃兮  
明明者天亦莫知我勞兮

五歌贈胡益都梅林

并序

馮子躬耕雲門之麓滄溟之野澹焉自守  
脫略世故顧獨胡子與相心如於是胡子  
有母之喪馮子不勝為胡子悲既胡子將  
解位去則又不勝為齊民悲爰作五歌

林有飛鳥兮淵有鱗我侯為政兮人莫知茅屋間

閒兮曳鎡基素素被野兮黍離離

高山峨峨兮雲所霏侯德愉愉兮母所遺侯政熙  
熙兮民所懷斷機絲兮業振振翦白髮兮思下賢  
誨思柔兮持杯捲猗我侯兮治獨先

侯之來兮澤齊土寒忠貞兮不得將母日欲暮兮  
望江滸白雲渺渺兮侯心苦侯心苦兮可柰何素  
節翩翩獨愁予

陟雲門兮浮海滌侯今去兮吾安恃兩冥冥兮雲  
翳翳洪水濫兮安得濟願一見兮道予意



鳳兮鳳兮育孤雛離遊八極兮鳳峙丹丘天南睽  
絕兮日躔矧毛摧羽折兮魂蕩蕩維雛曉曉兮將  
焉如天踞邈邈兮豈久居

五言古詩

送張汝霄侍清溪翁考績北上

霜露被籬菊寒風悴幽蘭游子侍藍輿遙遙向長  
安萍梗逐波轉與君滯江南采芳蔭松柏長歌行  
路難相望隔山陂尚苦會面艱况乃阻關塞何時  
見容顏憶我鼓城友歲月忽復遷或奮青雲翼或

蟠泥中翰出處各異跬尺書誰為傳念此悵中懷  
送君長江干願言崇令譽努力及盛年

飲馬長城窟行

朝發三屯營莫出居庸城荷戈越胡境感激寧論  
生下馬解銀鞍上馬揮金鞭雕弓白羽箭胡兒不  
敢見遙遙涉河水悠悠念故里故里豈不念誰當  
為君死不惜死無時但傷不我知主將如我知百  
戰安足辭

贈劉東巖泚相兵備密雲用鮑參軍出塞詩

北門行韻

問代鬱壘壘壯哉古漁陽近擁 帝王居控制雄  
一方胡弓千鈞勁朔馬百戰強豺虎互出沒錢騎  
相追望甘泉接烽火遼海通津梁朱旗曜白日玄  
甲明烁霜通 詔宣遠屯先聲朔漠揚賢王遠宵  
遜控弦不敢張北門鎖鑰重帷幄籌策良咄嗟輦  
鼓地不復悲民殤

漁磯灣作

隱淪藉幽深虛寂屬雲籟出城稍逸邈入溪已翳

蒼雖居闕閭端如處塵氛外幽鳥已忘機獨爾能  
制大洗耳豈要譽曳塗終遠害逍遙得所珍繁華  
焉足賴境靜慮自寡意適理亦會顏言當路士眷  
此折腰帶腐鼠嚇鷄雛燕石重隋貝寘彼芷與蘭  
珮此蕭與艾俯仰任翻覆好惡論否泰鼓枻發浩  
歌臨淵動長慨敢擬磻溪釣似得嚴陵瀨

出京詠言二首

朝出春明門南望海上霞飛燕戀其巢嘶馬尔念  
家鳳凰擊霄漢阿素噪城鴉腕腕日將暮曠野吹

風沙踏逢浮丘子招我登雲車舉手揮世人吾將採瑤華

悠然大化運萬象何參差瀕洞洪濤傾誰能辯龍螭采薇餓西山羸里繫易辭得喪固其常賢聖貴自持千載覩白壁蒼蠅逝何之較彼尋文間徒為達者嗤

夜酌黃公簡園中作

颯颯松風清霏霏竹烟靜小園動春酌高懷忘夜永至人歌未休山客醉能醒援琴坐池上空林照

深景

送羅欽齋翰林還京師

步出齊城門餞子淄水涯春風吹綠草怛馬懷踞岐周王眷畢郚名伯將謝師親懿尔已歆顧念有所懷遠望傷我神蒼梧雲北馳干羽日夕至君其早還歸高鳥相隨翔悠悠我所思何以慰遠人持贈瑤瑤枝

西廬篇贈趙工部

代作

昔我遊南嶽振衣匡廬巔九疊象雲霞五老何聯

翻石鏡懸明月白麻相與還是時塵網中羽翼如  
登仙豎子反初服結屋康浪川俛仰憶昔遊夢想  
垂十年忽覩西廬子乘雲來日邊手持白龍節授  
我南障篇突兀香爐峰瀑布如眼前長躡薄東溟  
使我心茫然終期煉靈藥跨鶴凌蒼烟

送海亭黃丈應召起參江藩

朝日照雲門還車出城闕父老集路衢言慰遠離  
別鳳凰凌高漢舟行向江越遊子戀白雲徘徊不  
能發顯達未足論所念周召業君子幽致身賤士

行採蕨懷此江上音泠泠向溟渤

別傅伯奇伯良

遙遙別故里忽復十載餘游子戀鄉國還望鑿巫  
閭驚塵倏相薄感慨焉所如骨肉有乖別親愛念  
離居誰能喻中懷有此尺素書莫將百年身徒希  
世上譽

吊凌川翁五首

晨起發 皇都暮宿滌水湄春風吹曠野陰雲結  
素旗旅鳥翔故林匹馬頽轅悲悵望即長跼關塞

遯難期

皇天無停運寒暑忽復易飄風西北來吹塵關塞  
黑客子有悲心臨流長嘆息他鄉難久留魂兮返  
故國

昔獻長楊賦相覲神風怡浩蕩及世故樹立相與  
期今來邂逅地孤燈照總惟氣咽不能言淚下如  
縷縻豈為親識故感此國士知

迢迢淩水波壘壘暨巫閭松楸在何許慨焉懷故  
墟靈輻望不極反側將何如

東園桃與李燁燁吐芳姿春風飄林薄零落將何  
時澗中石磊磊松栢揚其枝丈人遺勲業榮華空  
爾為

清明後三日山莊侍讌作

牽車出城隅溪流自回泐芳蘭被石壇叢陰散金  
谷流波可濯纓餘馨尚堪掬仰視鳴春鳥比翼棲  
灌木奄忽春風翔雲表互相逐憶我同袍人昔日  
侍藍鼓舞袖何翩翩題詩秉華燭曠茲遠行遊聊  
以繼遐躅

寄贈建平令董西嶼

我友令江縣中心恒惛恆客徒建平來解我長相  
憶建平凋敝餘况復歲不殖一食尚不充喧然弄  
矜棘董令躬拊循朝饗恒至晏不愛倉廩費寧辭  
朕肱力庶幾年麥成田子將歸穡仲由昔言志兵  
荒攝大國之屏重三輔屹然拱南極厲節拯危難  
念子企明德玄澤令滂沱蒼生得所息

贈冀康川令興化

昔者之迹熄麟趾竟誰陳元化日以索無乃傷至

仁治功太炫赫猶為厲吾民齊魯近多儒講道淄  
澠濱冀子最後雅氣象良閭閻康車或相過時與  
談經綸一及吏治間涕淚橫沾巾端續循吏紀慨  
然康世屯卓哉治安策侃侃對楓宸聖人爰眷顧  
江淮民苦辛命子往涖之卧致平望春在昔稱海  
陵地僻閭閻貧水澤周四圍厥利維蒲蒹似聞龜  
陰田見侵於比隣子欲王政復會令井地均處此  
有要術上下無異論翼翼康川子臨事如對賓昔  
授晉政者何以愧斯人文正有遺軌治化無難馴

願子卒斯業吾以觀龐涓

七言古詩

擬四愁詩并序

漢張衡寄意於君作四愁詩然實一愁止  
耳北海馮惟健賦命塞坎守道自信皇皇  
京國于時父守石阡母弟僑于青妻子還  
閭陽朝夕懷念不寧厥居乃若所愁真四  
愁矣故擬而賦焉然衡託物之興遠余述  
事之意多期于道實不論工拙覽其作者

可以流涕矣

我所思兮在衡陽欲往從之湘水長父兮驅車五  
馬良為國經營筋力强坐紆籌策馴蠻羌指揮軍  
餉收夜郎出門四顧誰相將瞻依斗極懷 君王  
思之不見心煩傷

我所思兮在青州欲往從之踞阻脩淄濰東下何  
悠悠滿園布穀鳴鴉鳩母兮縹絲妹結紬弟兮刈  
麥行西疇道逢鄉人寄布綢展布拂袖雙淚流思  
之不見心煩憂

我所思兮在鑿閭欲往從之路崎嶇淒淒霜露臨  
丘墟庶場町曠依吾廬妻兮抱子愁獨居昨聞邊  
關飛羽書胡兒殺人如匹雛將軍歛兵不敢驅思  
之不見心躊躇  
我所思兮在燕京欲往從之塵盈盈青樓有女宛  
清揚晨理机杼織未成我欲贈之雲錦屏羅綺結  
成雙鳳形懷之中夜步前楹長歌宛轉誰為聽思  
之不見心煩寔

為薛馭槐將軍題四駿九龍圖

薛君示我四駿圖絕塵滅景海內無淋漓汗血萬  
里至東征高麗北擊胡唐主好士如好馬雄俊俱  
歸銜轡下平遼將軍展驥足驂駟駟無人寫馭  
槐堂上一尺素幻出九龍神氣聚浙瀝几席來清  
風蒼茫庭除生細霧荀氏八龍君九龍靈異變化  
安可窮丈夫倘赴風雲會請繼遼東舊戰功

濟家藏古刻歌

少年浪跡山海間西登華嶽南衡嶂酷愛古來金  
石刻懸崖斷碣探幽箴少濟東齊文獻家獨起書



樓倚高曠不數鄴侯藏巨萬未論歐陽集兼兩開  
堂展卷娛衆賓牙籤錦軸森相向檀山石鼓盡神  
品磨礪瘞鶴皆絕倡竒如驚厓下懸石壯若峻坂  
走新漲龍跳鳳翥自俊逸驚猿渴驥忽奔放道健  
轅門列戟矛沉渾平塗畫錐杖態外生態未足珍  
筆中有筆其來尚達士得意只劍舞世人盡欲看  
肉相夏周之際鳥跡遠晉魏以還鍾鼎喪李斯小  
篆差近古至今剝落嶧山上顧予平生頗好奇對  
此不覺心神壯臨池秉燭意興真坐研心畫窮偏

傍安得義倉几席間一掃繁蕪歸罔象

東渚朝暾圖歌壽大司馬陳公

泰山蜿蜒走平陸乃有溟渤橫東澳西來萬壑無  
時休神州赤縣何局促龍宮含育日月精玄樞盪  
沃乾坤軸混沌渾疑象帝先灑氣兩間互翻覆朝  
來日出隱如雷却從天際瞻蓬萊三山歷歷咫尺  
間參差城闕金銀臺潮平掩映玻璃色萬里沉氛  
淨如拭海老招予採藥行舟楫杳如空嘆息洪崖  
羨門安所適獨立蒼茫望江碧飄飄海若臨中流

豐隆前驅後河伯槎邊突兀千尺鯨眼底紛紛百  
怪出乘鴈空飛渤澥涯明珠豈探鮫人室扶桑若  
木何迤邐霞色烟光共綺靡庶見枝葉長氤氳坐  
令鷗鵬得所止蓮舟仙子簇浩歌綽約朱顏榮玉  
齒歲換頻看海屋壽塵飛幾見素田水十洲白日  
垂精光年年歲歲波不揚願予豈是乘桴客還向  
龍門一望洋

五言律詩

舊歲八月送舅氏及弟至下關今秣出餞蔣

丈復來江滸觀山河風景有慘舊別

不見渭陽信空懷杖杜憂寄書驚別路送客感深  
秣見說之河洛何時到錦州遠人應佇望去矣莫  
淹留

過紫筠山房遇雨

題詩蒼蘚石高枕紫筠亭直覺無拘礙何須問醉  
醒藥欄花灼灼松徑雨冥冥童僕將簞笠移舟過  
鶴汀

神樂觀中漫興

犬聲村巷遠霜氣玉臺高守拙憐谿谷忘機愧桔  
槔讀書寒漏短憶遠客心勞何事雲林外慈鳥獨  
夜號

燕齊道中四首

歷下逢元旦鶯花獨惘然故人贈榼酒稚子具蔬  
筵劔拂齊關外車迴易水邊樓南有歸鴈噫噫向  
蒼烟

其二

使節西秦至吾今又帝鄉一官三閱歲萬里半空

囊益厭風塵苦其如關塞長春花禹城跖島嶼正  
蒼蒼

其三

春風雖云厲不寒遊子衣詩情花共發鄉思鴈同  
歸橋瀉交龍水樓開瀛海扉旂常候禋祀早晚出  
郊畿

其四

魏闕上元夜車書入覲時烟花襍環珮星月共華  
夷短褐看鰲駕長吟託鳳池蓬飛上林苑飄轉附

春暉

至京二首

地麗青春早山靈紫氣新日開金殿霧風靜玉隄  
塵車馬環鞞象旌旗列縉紳遙思獻納者侃侃策  
天人

其二

長劍趨京國金門望紫霞物先霑帝澤人自念  
天涯衣捲鳳臺雨纓含龍浦沙東風過半月始見  
上林花

潘陽道中二首

絕塞馳狼騎空懷壯士憂風生鴨綠鈴急虎營

焮南有虎皮營城驛草色橫沙磧雲山渺戍樓近聞經國

議開拓舊邊州

其二

帶甲東關固飛書朔漠寬山河當百戰霍衛控三  
韓公子猶傳箭胡兒不解鞍清霜下野草羶毳夜  
生寒

登觀音寺



天削孤峰峻，巖間景上頭。窮巖還曲迳，懸石更危樓。雪瀑千林潤，松門六月秋。夜來卧禪榻，天漢掌中流。

憶遠

萬里身孤寄，三年湘水春。懷君雙白髮，報國兩朱輪。憶極翻書劄，謀窮數故人。長安車馬客，萬一念清貧。

臨朐張氏園亭

問舊遠城郭，看花到草廬。石榴開樹淺，乳鵲出巢

初移坐盈尊，酒窺窓滿架。書未應平子，宅端作野王居。

登石門

窮谷栖懸構，高雲溜石渠。濯纓春雨後，開洞夕陽初。童子落佳果，山僧進野蔬。吟詩坐樹下，風葉碧踈踈。

觀刈麥二首

望雨還收麥，甘貧獨感時。雖無高廩入，已共物情怡。澤並沾三白人，誰頌兩岐山。農得佳穗，遙想獻

沉浪悲生事閉山翻白  
情三春惟二表白日列  
者所存是遠東隱新  
耕稼下田夜未官稅急  
得免貸社錢小表一首  
見別詩說

形墀

其二

閱世珍農務行歌絕稻梁春雲看荷鋪晚日坐移  
床削木何能似遺舟意不忘翛然詠梁甫敢謂在  
南陽

登卧龍岡同孫夾谷二首

岡下有泉  
號諸葛井

僻性好游覽况茲諸葛臺  
淮旌平野駐孤閣晚爍  
開地接嵩山起泉從漢水來  
山川靈異氣千古使人哀

其二

此地煩三顧當年豈故交  
龍潭猶白日羽扇向青  
郊細草寒螢照踈松野雀巢  
炎精如可駐寧羨一  
衡茅

孫黃驛次韻一首

日臨湘水北天遠漢雲西  
違爾遼東鶴來聞江上  
雞買魚還慰母涉險怯攜妻  
魑魅驚人地臨橋未  
敢題

元夕飲李子館中二首

西蜀卧司馬  
遼東滯管寧  
乾坤任一醉  
燈火但孤  
亭朗月照堦  
樹踈星麗  
座屏真成爛  
熳賞相對一  
忘形

其二

客邸春意動  
山城蕭鼓稀  
醉看明月上  
遙共故園  
輝歲序黃鸝  
轉身名紫蕨  
肥敢言經國  
計萬里想  
垂衣

春日祥符館中

春風兼百越  
烟霧暗三巴  
自惟高堂舞  
誰憐漢水

槎白日從栽  
藥紅塵不看  
花由来吾性  
懶豈謂厭  
紛華

送人還越一首

遙憶西湖水  
塵纓將奈何  
君歸理桂楫  
吾欲弄滄  
波洲嶼塞瑶  
草烟霞問碧  
蘿輕風信浩  
蕩取意越  
中歌

清明同諸弟奉侍家君游歌別墅和韻

風雨遲佳節  
遊人殊未還  
芳蘭搖綠水  
春樹暗青  
山瑶草誰相  
問金尊心自  
閒佳人不可  
見遙在白



雲間

江湖萍跡

東覽到滄海南浮極湘沅慨彼乘桴嘆即孤川上  
言遠養 臯鶴花園吏隱軒官心已如此况爾脫  
塵喧

禮萬壽戒壇和沈玄洲韻

瑤壇通八極玉座逼三台天關車營路雲低羅睺  
臺曇花簷外轉白鹿坐中迴何如迂道駕涉海問  
蓬萊

遊北固山甘露寺五弟嘗登有作因和其韻  
吳楚分星紀茲惟南北闕憑江天作塹障海玉為  
山水積方壺外風清樓櫺間 聖朝無北顧與爾  
棹歌還

再和唐孫舫之作

岿峩瞰北固蜿蜒似龍形地盡三江險山留六代  
青容星依海激漁火隔沙汀多景成塵劫長歌月  
滿庭

春日果上人小集得虛字時程玄海見過同

趙少虛賦

蘭若經塵市頻迴上客車春風珠殿碧夜月綺窓  
虛上苑看花處長楊聽鳥餘幸逢明聖世何用  
賈生書

午日集孫比部宅得城字

仲夏暑尚薄開襟坐前楹月臨松檜靜風以芟荷  
清浪跡同王粲高篇得子荆揮觴興不極曙鳥下  
重城

贈趙總戎東溪

威令三韓外勲名百戰間曉霜明組練秌月靜關  
山龍磧徵兵急燕然牧馬還老臣上方略早晚慰  
龍顏

五言排律

乙未四月六日觀進士釋褐

聖代崇髦俊明時產異才蒼生霖雨切太史慶雲  
開錦浪排雲出殷雷接地迴鳥窺春苑馬花照曲  
江杯異數增鸞厲鴻恩任覆培鹽梅存燮理梧鳳  
屬徘徊匠氏誰堪琢冠師莫浪裁佇看玄化浹長

鈇未須哀

送少宗伯東渚翁還朝

舟楫懷 明主笙歌慰遠徵  
蒲輪暉泰岱 龍節照淄澠  
日月丹霄迥 蓬萊絳閣層  
上台旋斗極 東海運鷗鵬  
虞室夔龍重 周廷禮樂興  
銀臺開玉匣 天閣秘金縢  
九廟旂常集 諸陵劔舄登  
鮒隅祥霧隱 豐沛瑞源澄  
金粟雙峰並 瑤池八駿乘  
臣鄰瞻赫赫 賓從盡競競  
獻納當朝望 都俞氣象增  
殊儀須景伯 賈逵 正色待長升 劉恢  
緹扇隨車轉 朱明麗

蓋昇松亭餘舞鶴 石巘接垂藤  
地境雲光瑩 天齊兩氣蒸  
歌隨林鳥變 思共暮烟凝  
牛角悲歌竄 龍門喜御鷹  
十年還戴鶡 千里欲擔簦  
勲業宣金馬 身名豈玉繩  
塵鋒頻自拭 鍛翮尚堪騰  
敢謂吟梁甫 誰能著茂陵  
雲門讀書處 日暮倚峻嶒

七言律詩

歸讀書處作簡汝威弟

城南書舍復相違 身外浮名有是非  
若得羽翰遺世網 定應猿鶴老柴扉  
泉鳴花徑時垂釣 日到松

稍自曝衣王子夜深乘月色山頭吹把玉簫歸

送陳葵菴東歸

愛賢實下陳蕃榻違俗早棄終軍繻白馬翩翩代  
河公朱旗窸窸千山孤遼陽有朝廷節鉞須良將  
西北風塵入戰圖自是封侯丈夫事牀頭頻拭舊  
湛盧

秋征六首

岱宗直下渺關河越萬南盤瘴癘多一綫路如天  
上太百迴人似洞中過江風颯颯飛旂旆峽月蒼

蒼淨薜蘿槃木白狼馳上國葛巾四首一高歌

其二

客子萬里路益險瀟湘十月雨不休山深自鬱雲  
霧濕地煖翻令霜霰流江上寒雁杳隻木樹巔老  
猿相對愁中原風日晴正好放歌騎馬何悠悠

其三

何時清浪石頭城曾駐先朝龍虎旌青壁背看  
秦塞月黃雲南盡楚江聲錫貂已復百年事餽餉  
還兼五路兵西鄙一聞鼙鼓動藩侯郡守盡軍營

其四

共傳朱輔益州時誰念馮唐老髮絲  
聖代坐收邊郡績勲名無願世人知  
青霄瞻闕日千里白鶴看人長  
九夷懷石據鞍俱寂寞翻雲點壁任支離

其五

千年風物古青州十二齊閩據上遊  
檠篚鉛松供大內丹書玉甌走諸侯  
鴻濛高劈雲峰斷虛尾東分滄海流  
形勝中華先海岱樵蘇悽愴有孤丘

其六

乾坤東北控暨巫塞上風烟近有無  
玉帳新開鴈門守羽書遙靜鴨江胡  
五營七校連兵氣湯海金墉隔  
帝圖終古祖龍遺恨在營州封域自唐虞  
至家示諸弟

京華北上雪初飄海國南來見稻苗  
烟迳斜開新島嶼雲門重問舊漁樵  
鳥啼碧樹滄洲近鶴下丹霄北闕遙  
語報惠連吾潦倒葛巾真負聖明朝  
清明日同諸弟奉侍家君游歌別墅和韻三

首

藍輿遙度青山曲倚杖從看郭外花柳拂洞雲真  
可折酒臨村老不須賒綵衣亭上沾春雨白髮尊  
前惜歲華莫笑頻年貧到骨猶能十畝執素麻

其二

藥圃新栽元亮柳菜畦兼種邵平瓜捲簾獨放青  
谿月拂枕高棲碧洞霞天際冥鴻春共遠風前沙  
燕暮還斜壽顏醉酒歡無極徒倚踈林看杏花

其三

雲島舊連東郭近澗溪長繞北山流盤餐旋剪畦

中蒞風雨來登海上樓黃鳥不過紅杏塢白鷗飛  
到綠蘋洲綵衣並舞清尊晚敢擬華林洛水遊

洛亭雨中杏花同周伯霖鍾少岳弟敏賦次

韻

細雨池亭花滿樹堦前片片碧霞流山蜂避濕翻  
窺牖野雀隨風故傍樓灑淚仙人辭漢關沾衣神  
女立玄洲待余晴日曲江上與爾携壺爛熯游

三月十五日群士應制吾視弟於 關門遇

兩

聖主平明御紫微絳衣捧制下彤闈八音繞殿鈞  
天樂五色當遶瑞日暉筆氣欲依龍宸動墨花時  
向侍臣揮定有賈生能獻策莫令空負洛陽譏

十九日傳制兩弟為余道其事喜而述焉

鹵簿晨交玉陛烟英髦新集建章前旂常欲動星  
辰轉紈扇齊開日月懸御墨真從天上至 綸音  
遙自殿中傳拜舞乾坤何以報敢於江海效微涓

駕出北部

西湖東嶺靄春晴玉帳金輿出 帝京烏囀山花

迴鳳吹雲色堤柳結龍旌諸峰盡向蒼梧繞閣道  
遙看紫極明茅屋山疇閑 聖慮風塵盡日捲簾  
行

望海

析木扶桑曙氣通十洲三島日華東雲依絕嶼終  
同色水與長空共不窮星槎萬里迴天上蜃閣千  
重入鏡中幸覩 聖人今御極寄言重譯早乘風  
余歸自京師道臨淄沛然有遊龍池之興旋  
轡獨徃至則與諸友人遇焉交觥余遂宿于

齊北郭寄題龍池主人

龍池春水千尋碧，花塢泉流百道分。池探禹穴來  
滄海，龍向天齊蟠紫雲。草樹凌敲流閩色，驪珠射  
蜃動星文。莫使幽潭滯雷雨，蒼生憂旱已如焚。

仲殊晦前一日庭菊盡開同弟敏訥直侍家  
君讌

郊園種菊早，殊迴諸從遙。扶鶴駕來月，暗草堦  
欲盡霜。絳花蕊色相，催海東看青靈椿。氣樓外翻  
疑棠棣開，不是青山風物勝。併將綵服照金壘。

贈聶道士淵谷和韵

羽客初迴天上槎，瑤壇玉洞訪南華。吟詩暮別滄  
浪月，仗劍朝餐岱嶽霞。牛入函關瞻紫氣，鶴從勾  
漏覓丹砂。聽君坐話長生事，天地茫茫亦有涯。

贈梁西川

溜水西來歷翠微，梁鴻高卧此荆扉。分流種藥餐  
紅玉，開渚栽荷製綠衣。飲犢日經雲口渡，釣魚時  
坐石頭磯。長天漠漠蟾光滿，唯見汀前鷗鷺飛。  
送許壽光之任吳淞別駕



許遜來彈單父琴馮驩高卧白雲林不緣信宿齊  
門月誰識棲連滄海心三泖風花看越近九龍烟  
霧入江深華亭白鶴翩翩下借爾庭前棠樹陰  
送胡時軒長府南還

春雪初晴朝靄凝天涯歸客度淄渑南皮賓從惟  
王粲西蜀園廬有茂陵處處野花迎畫舫冥冥江  
鴈避雲矰春光此去應無限况有峨眉興可乘

朱射坡使雲中即玉泉席分得留字

朱雲使節出邊州詞客乘舄賦遠遊背月獨過玄

鴈嶺看花且醉白雲樓寒鴉細雨夜初靜霜蟹江  
菰興未休北去長纓酬壯節南歸四牡莫淹留

送張榕洲侍御巡倉潞河

頻年遼海劇臨戎國計何人第一功擬絕天驕窺  
塞上故持霜節下雲中迎焮慙喜張綱駕入潞仍  
乘鮑氏驄十載天涯惟汝共自憐萍跡又河東

與黃公大夜宿聖水別業限韻

落魄歌魚卧雪宮迴舡溪上恰相逢雲門濟水焮  
風早綠樹蒼巖暮色同山谷興能隨杖屨鍾期意

不在絲桐開亭霏氣清無限對榻燈花午夜紅

登焦山寺和邃菴相公韻

珠林天際曙光初綺閣中流島嶼孤採藥身輕看  
獨上受風巾側倩人扶金螯蜃結橫當海銀漢槎  
迴杳入吳對月水晶亭上立冷然神女弄冰壺

送曹紫峰謫晉州別駕

君家詞賦擅南皮黼黻才名衆所推四海交游皆  
禁掖十年蹤跡尚天涯春餘滹水征輶度踏入恒  
陽獨鶴隨憶昔趨逢朋舊在道余華髮負明時

岱東翁分教寶應小詩奉贈

風塵客舍共支離送別江鄉惜踞岐白首一官業  
桂館青楓孤舫射陽陂斗牛入夜瑤光度桃李迎  
春錦色披帳下不殊橫虎觀南中早已徹臯比

送國博劉兩山赴襄陽別駕

劉楨意氣夙相期佐郡遙臨漢水湄戀主寒氈辭  
舊館照人寶劍結新知爍深山部銅鞮曲月淨江  
樓白雪詞前輩風流君不減有時乘興習家池

五言絕句

姑孰道中四首

獨眠山館夜微鍾  
度江口牽帷語僕夫  
起視天霽否

其二

烟起樹亦瞑  
水生江岸窄  
夜來別故人  
風雨最蕭瑟

其三

冥冥雨不絕  
唳唳啼征鴻  
寒江烟霧裡  
小艇一漁翁

其四

築築田上草  
落落場中稼  
兒童不解愁  
公然牧牛馬

早行

曉月在山巔  
蒼然烟霧聚  
林深不見村  
隱隱聞人語

題畫鴈

月照蘋洲白  
瀟湘兩岸殊  
如何霄漢翻  
只為稻梁謀

七言絕句

送客東歸遇雨二首

送客金川遠寄書獨憐吾弟隔  
鑿問出門咫尺猶風雨况復關山萬里餘

其二

雲樹冥冥故國情扁舟飄泊旅魂驚  
杳然欲作對床夢夜半春江風雨聲

京邨得石阡寄書

諸葛天涯各住居文翁化蜀意何如  
春城忽遇郵

亭使得見沅湘八月書

適興

荷葉溪邊繫釣舡翩翩白鳥度晴烟  
道人不用塵寰事興在青山綠樹前

宮辭

春寒銀燭影紛紛紈扇團團護紫雲  
臨鏡自知顏色改昭陽隨衆謁明君

駕巡 天壽山歌十首

日射銅龍閣闔開天旋地轉六龍迴  
五雲直上團

飛蓋道是太平 天子來

其二

羽林隊隊擁金戈中使傳宣玉輅過兩道旂常懸  
日月千官車甲曜山河

其三

玄郊曙色散晴暉萬乘乘春下紫微御柳千行迎  
鳳輦山花萬樹照龍衣

其四

彩殿遙臨天壽山玉旗東指翠雲關誰意萬人行

隊裡五雲咫尺奉龍顏

其五

九龍雲結蒼梧色萬壽峰環金粟岡四海龍旂隨  
帝輦春風添作寢園芳

其六

闕寢靈光接上京 泰陵遙望翠華明侍臣腸斷  
銜恩日獨抱遺弓說太平

其七

司農輜重塞晴川父老親軍賜禁錢小民夾道傳

呼日喜見周王八駿還

其八

玉泉官道接風烟  
麟閣迴瞻日月邊  
最是老臣承寵渥  
蒲輪長近聖人前

其九

穠李花開春氣柔  
長隨雕輦伴春遊  
龍馭未離鸚鵡渚  
綵雲先出鳳凰樓

其十

懷豐燕洛中興年  
彤管雕弓峙御筵  
千載聖明

非漢主詞臣莫獻上林篇

南省四首 并序

先府君常令華亭爰歷三紀季弟惟訥復  
佐松郡奉母祿養母懷歸迓之京口而作  
是詩

朱明陟屺穆陵原  
妖氣橫舟白浪翻  
估客近傳南裏信  
凌風綵鷁度吳門

其二

莊生垂釣北溟濶  
季子還殷捧檄心  
駘入九龍黃

鶴舞舟迴三泖白雲深

其三

澱湖森森自清波花甸重看翟第過居人競上三  
遷頌父老猶傳五袴歌

其四

飄飄羽鶴度青冥中夜孤雛夢乍醒白露淒淒下  
寥廓臨風長是刷霜翎

